



COMUNU DE LÙVULA  
PROVINTZIA DE NÙGORO

Si bandit sa de tres editzione de su prèmiu de poesia in Limba Sarda

# LÙVULA TI CANTO

annu 2013

## S'isetu de su prèmiu est su de:

- abballorare su bonu de Luvula contende-lu cun poesias, chi ant a dèvere faeddare de Su Mont'Albu e de sas minas;
- tzintzigare a pònnere poesias, a manera de promòvere s'impreu de sa limba sarda in totus sas variantes suas.

## Regulamentu.

Su prèmiu est assentadu in duas setziones:

### 1<sup>a</sup> setzione – PRO LÙVULA

Su tema est Luvula. Sos poetas chi punnant a partetzipare a sa prima setzione de su Prèmiu tocat chi imbiat òperas chi faeddent **de su Mont'Albu o de sas minas de Luvula**. Sos poetas, comente fiat in sas editziones colaia, ant a dèvere èssere sos chi ant a mustrare e a bandire su bonu de Luvula, ma custa bia, ant a dèvere cumpònnere poesias petzi de su tema mentovadu. Sas poesias cherent curtzas, iscritas in rima o in versos isortos o liberos. Sa longària no nche devet colare sos binti versos, No ant a èssere ammissas poesias prus longas. Cumponende sas òperas, sos poetas ant a dèvere tènnere in cunsideru chi sas figuras chi ant ritradadu cun sos versos issoro, s'esseret chi bincant, ant a dèvere èssere interpretadas dae fotògrafos, chi las ant a bortare in màgines fotogràficas, pro imprentare cartolinas, paris cun sas poesias.

### 2<sup>a</sup> setzione – POESIAS

Su tema est liberu. Sos poetas chi cherent leare parte a sa de duas setziones de su Prèmiu ant a dèvere imbiare òperas in versos isortos, liberos o in rima chi no nche colent sos baranta versos. Nudda brivat chi sos autores po partetzipare a custa setzione potzant ischirriare su matessi tema de sa prima setzione, est a nàrrere su Mont'Albu e sas minas de Luvula, ma sas poesias chi ant a binchere no ant a èssere imprentadas in sas cartolinas.

## Sos prèmios

### 1<sup>a</sup> setzione – PRO LÙVULA

1 u classificatu: € 500

2 u classificatu: € 300

3 u classificatu: € 100

### 2<sup>a</sup> setzione – POESIAS

1 u classificatu: € 250

2 u classificatu: € 150

3 u classificatu: € 100

Sos prèmios, postos a distintu pro setzione, ant a pòdere èssere datos in donos.

A leare parte a *Luvula ti canto 2013* non si pagat; podent partetzipare totu sos sardos, finas si non sunt residentes in Sardigna.

Sas poesias podent èssere presentadas in cale si siat variante de sa limba sarda, incruidos sos faeddos alloglotos, bastante chi s'imbiat finas traduidas in una de sas variantes printzipales.

Ogni cuncurrente at a pòdere leare parte a una setzione ebbia de su Prèmiu e petzi cun una poesia chi cheret inèdita e mai premiada in àteros cuncursos literarios. De plàgios, o de deccaratziones farsas nd'ant a rispòndere sos autores o chie los rapresentat.

Sas òperas presentadas non si torrant ma abarrant a su Comunu de Luvula (Biblioteca Comunale), chi las at a pòdere impreare pro cale si siat isetu culturale, incruida sa publicatzione, chene paca peruna pro sos autores.

Pro imbiare sas òperas bi cheret duas bustas de mannària diferente. In sa prus minore tocat a bi pònnere:

- Una còpia de sa poesia iscrita a computer o a màchina e firmada dae s'autore.
- Unu fògiu ue bi siat su nùmene de s'autore, s'indiritzu, su nùmeru de telèfono (finas tzellulare), sa bidda sarda de nàschida e s'indiritzu de posta eletrònica.
- Unu fozu uve bi siat sa deccaratzione sichiente firmata dae s'autore: "Jeo sutscritu poeta (nùmene, sambenatu, tocu e data de nàschita, residèntzia) permito chi sos datos meos sient impreatos petzi pro sos fines numenatos in su bandu Prèmiu *Luvula ti canto 2013*".

In sa busta manna tocat a bi pònnere:

- 6 còpias de sa poesia iscritas a màchina o in su computer, craras e fàtziles a lèghere e anònimas, est a nàrrere non firmadas.
- Sa bustedda minore, serrada.

In foras de sa busta manna si bi devet pònnere sa setzione de su prèmiu pro su cale si partetzipat e s'indiritzu sighente: Comunu de Luvula, Biblioteca Comunale, Carrera de I 1000, 11 08020 Luvula NU.

Sas òperas divent arribare cun sa posta a **s'indiritzu mentovadu in antis** o cunsignadas a manu a s'Uftziu protocollo de su Comunu intro de **mesudie (12.00)** de s'8 de santugaini. Non si picat in cunsideru su timbru postale pro sas òperas chi ant a arribare a pustis.

Partetzipende a su Prèmiu, sos cuncurrentes atzetant, s'esseret chi bi nd'apat, sa publicata de sas poesias, chene chi si lis corrispondat diritu perunu.

Chie leat parte a su Prèmiu cunfirmat de connòschere su bandu e nd'atzetat cada règula.

Su Comunu de Luvula nùmenat una giuria de espertos. Ant a èssere premiadas sas poesias chi ant a èssere cunsideradas sas mègius.

Sa giuria no at a pòdere dare prèmios ex-aequo e podet dispònnere de no assignare perunu prèmiu si cunsideret chi peruna poesia siat digna, e finas de assignare prèmios in prus e mentziones pro poesias dignas de reconnoschimentu.

Su giuditziu de sa giuria est insindacabile e inapellabile.

Sos binchidores, sos signalados e sos mentzionados, leende parte a su prèmiu, s'impignant a partetzipare a sa tzerimònia de premiatzione chi s'at a fàghere in die de dispònnere.

S'esseret chi non bi potzant addobiare pro una resone giusta, su Prèmiu l'at a pòdere ritirare una persone in parte issoro. In frau de sa premiatzione, a pustis de sa presentada de sas òperas signaladas o mentzionadas, s'ant a deccarare sos binchidores.

Pro cale si siat informatzione o acrarimentu si podet domandare a sa Segreteria de su Prèmiu: Comunu de Luvula– Biblioteca Comunale, tel. e Fax 0784 - 416894 ; Servitziu Linguisticu Territoriale Luvula, tel 3479241295, E mail: [luvulaticanto@gmail.com](mailto:luvulaticanto@gmail.com)

S'Assessore de sa Cultura dot. Pretu Pittalis